

CONSTITUTIO

44

SANCTISSIMI DOMINI NOSTRI

BENEDICTI PP. XIV.

*Contra Clericos Sæcularibus
Negotiis se immiscentes.*



ROMÆ, MDCCXLI.

Ex Typographia Reverendæ Camerae Apostolicæ.

HOUGHTON MIFFLIN

125 NASSAU ST. N.Y. CITY

BENEDICTUS EPISCOPUS

SERVUS SERVORUM DEI

Ad perpetuam rei memoriam.



POSTOLICÆ servitutis commissum Nobis divinitus officium assidue vigilare Nos admonet, ut ex prava hominum cupiditate suborientia mala, quantum in Nobis est, provida sollicitudine coercentes, Dominici ovilis gregem, Superna opitulante gratia, ad æternam patriam dirigamus. Sed præcipua cura constringit de iis, qui Ecclesiastico Ordini adscripti, & ad

sanctioris vitæ genus electi aliis in via salutis actuum suorum claritate præluce debent. Vehementer enim timidi, ac solliciti sumus, ne ceteros Christi fideles, quos pro gradus sui Sanctitate verbis, & exemplo ædificare debent, morum suorum pravitate à cælestium rerum amore ad terrena desideria avertant.

Cum itaque, ut non sine gravi animi Nostri merore accepimus, vesana humanarum rerum cupiditas ita nonnullorum Clericorum invaluerit animos, ut illicitam Ecclesiasticis negotiationem ad evitandas poenas adversus illam exercentes à Sacris Canonibus, & Apostolicis Romanorum Pontificum prædecessorum Nostrorum Constitutionibus sancitas sub alieni nominis velamine, Dei timore, Ecclesiastici nominis decore, & æterno suarum animarum periculo posthabitis, temere, nulliterque exercere non dubitent; & quod palam temporalium poenarum metu aggredi non audent, quæsitis deinde coloribus, & vanis inanum rationum prætextibus clam efficere non timeant, quasi vel Dei oculos, qui & illuminabit abscondita tenebrarum, & manifestabit consilia cordium, latere, vel Supremi Judicis, qui non fallitur, examen effugere possint: Nos attendentes, quod Clericus, qui tantopere mundanis divitiis parandis inhiat, cælestia despiciere, & pro nihilo putare convincitur, & quod Clericus negotiator ex inope dives, & ex ignobili gloriosus tanquam peltis, ut B. Hieronymus docet, fugiendus est, ad exitiosam hujusmodi labem ab Ecclesiastico Cætu eliminandam, & ut Sancto Ecclesiæ Dei famulatu additi ab

omni turpis lucri cupiditate abhorrentes studeant bene agere, & divites fieri in bonis operibus thesaurizantes sibi fundamentum bonum in futurum, omnes & singulas Romanorum Pontificum Prædecessorum Nostrorum prædictorum Constitutiones, illarumque quamlibet contra quoscunque Clericos illicitos negotiatores desuper quomodolibet respective cum omnibus, & singulis penis contra eosdem Clericos illicitè negotiantes editas, quas Constitutiones huiusmodi, ac earum quamlibet præsentibus de verbo ad verbum nihilo penitus omisso pro insertis haberi volumus, Motu proprio, & ex certa scientia, meraque deliberatione, ac de Apostolicæ potestatis plenitudine Nostris innovamus, confirmamus, & approbamus, eisque, & earum cuilibet novum Apostolicæ firmitatis, & inviolabilis observantiæ robur addicimus, illasque sic innovatas, confirmatas, & approbatas cum omnibus, & singulis poenis in eis, & earum qualibet adversus Clericos illicitos negotiatores huiusmodi contentis. ad Clericos illicitè sub alieno Laici nomine quomodolibet negotiantes, perindè ac si per se ipsos, ac proprio eorum nomine negotia ipsa illicita exercerent, omnesque, & singulæ Constitutiones, earumque qualibet adversus eos desuper editæ fuissent, & in eis, & earum qualibet expressi, & denominati reperirentur, motu, & potestatis plenitudine præfatis perpetuò extendimus, & ampliamus; illorumque omnia, & singula bona sic ab eis alieno nomine illicitè acquiita sub inevitabili spoliæ pœna ad formam Constitutionis sel. rec. Pii Papæ IV. similiter Prædecessoris Nostri, quæ incipit = *Decens esse* = subjicimus, & subiecta esse volumus, & declaramus.

Insuper ut in sortem Domini vocati depolitis quocumque mundanarum curarum onere, & humanarum cupiditatum impedimentis, Christum Dominum, qui propter Nos egenus factus est, cum esset dives, ut illius inopia Nos divites essemus, per calcatas mundi opes liberius, & expeditius sequantur memores salutaris illius B. Apostoli moniti, qui clamat, & dicit: nemo militans Deo implicat se negotiis secularibus, ut ei placeat, cui se probavit, per easdem Nostras præfatas perpetuò valiturus motu, & potestatis plenitudine præfatis decernimus, ac pariter declaramus, quod si aliquod negotium Ecclesiasticis illicitum personis, licet ab eis minime institutum, sed à Laica persona inchoatum, & ad eosdem Clericos sive hæreditario jure, aut quocumque alio titulo, sive singulariter, sive communiter, sive separatim, sive conjunctim cum aliis bonis, & aliis cohæredibus, vel Sociis Laicis existentibus delatum fuerit, vel per se ipsos, eorumque nomine proprio, vel per alios, aut alieno nomine etiam per suos cohæredes, aut socios prosequuti sint, illud statim dimittere teneantur; Si verò negotium huiusmodi sine ipsius Clerici temporali detri-

men-

mento statim dimitti nequeat, tunc si intra Italiam, Insulasque adjacentes existat Clericus, à Venerabilium Fratrum Nostrorum S.R.E. Cardinalium decretorum Concilii Tridenti. Interpretum Congregatione, si verò extra Italiam ab eadem Congregatione, vel ab Ordinario Loci licentiam illud ad aliquod tempus retinendi; proviso interim, quod negotium hujusmodi à laico administretur, impetrare teneatur, dictaque Congregatio, aut Ordinarius Loci, perpenſis ſingulorum caſuum, circumſtantiis, licentiam impertiatur, tempuſque in eo ad idem negotium dimittendum præſcribat; & ſi Clericus negotium præſatum, licet à Laico, ut præfertur, inſtitutum, abſque licentia hujusmodi gratis ſemper ſibi impertienda, aut illud ultra tempus, ſibi permiſſum retinuerit, vel etiam intra tempus prædictum negotium per ſe ipſum adminiſtraverit, pro negotiatore illicito haberi, illumque omnibus, & ſingulis etiam ſpolii pœnis præſatis ſubjectum eſſe motu, & poteſtatis plenitudine dictis perpetuò volumus, & definimus.

Ac demum eo, quod ſel. rec. Prædeceſſor Noſter Pius Papa IV. per ſuas literas, quarum initium eſt = *Romanus Pontifex* = declaravit, præſata Conſtitutione ſuper Spoliis Clericorum ob illicitam negotiationem à ſe edita Prælatos, Officiales, ac alios Sæculares, & cujuſvis Ordinis Regulares Clericos, alioſque cujuſcumque ſtatus, gradus, ordinis, conditionis, & præminentia in Urbe, & Curia, ejuſque Diſtrictu decedentes, teſtandi tamen, codicillandi, & alias de bonis ſuis quibuſcumque quomodolibet diſponendi, vel ad ipſorum proximiores, decedentibus illis ab inteſtato, tranſmittendi facultatem ex ſpeciali Sedis Apoſtolice indulto, vel ſuorum Officiorum privilegio, vel alio quovis titulo obtinentes nullatenus comprehendere; & quod Paulus Papa V. pariter Prædeceſſor Noſter per ſuas Literas, quæ incipiunt = *In eminenti* = Clericos Cives, & Curiales, ſive Incolas hujus Noſtræ Alnæ Urbis, tunc ſua, exemit à ſpolio, quod bona in eadem Urbe, ejuſque Diſtrictu intra decem milliaria conſiſtentia etiam ex redditibus Eccleſiaſticis per eos acquiſita, unde dubitari contigit, an ſuffragetur quoque ad evitandum Spolium Cameræ Noſtræ Apoſtolice competens pro bonis ex illicita negotiatione provenientibus: Nos Conſtitutiones Pii, & Pauli Prædeceſſorum Noſtrorum præſatas, quoad bona ex illicita negotiatione hujusmodi à Civibus, & Curialibus, ſive Incolis Clericis cujuſcumque Ordinis, ac Dignitatis quibuſcumque indultis, ac privilegiis mutis comparata, & in Urbe, ejuſque Diſtrictu præſatis, & ubicumque exiſtentia minime ad præmiſſorum effectum ſuffragari, ſed illa ſic provenientia Cameræ Noſtræ Apoſtolice vero jure ſpolii deberi, perinde ac ſi Conſtitutiones Pii, & Pauli Prædeceſſorum hujusmodi ad præmiſſorum omnium, & ſingulorum effectum impedi-

diendum minime emanata fuissent, Motu simili pariter declaramus, & statuimus, distasque Pii, & Pauli Prædecessorum Constitutiones quoad præmissorum effectum sortiendum plenarie abrogamus, & abolemus.

Decernentes sic in præmissis omnibus, & singulis per quoscumque Judices, & Commissarios quavis auctoritate fungentes, sublata eis, & eorum cuilibet quavis aliter judicandi, & interpretandi facultate, & auctoritate, & definiri debere, ac irritum, & inane quidquid secus super his à quovis quavis auctoritate scienter, vel ignoranter contigerit attentari. Quocirca Venerabili Fratri Nostro Annibali S. R. E. Cardinali Episcopo Sabinen. Albani nuncupato Camerario Nostro, & ejus in Camerariatus officio successoribus, per Apostolica scripta mandamus, quatenus spolia ipsa ex bonis ex illicita negotiatione provenientia, uti verè spolia prout alia ipsius Camera jura exigì, & recuperari, ac præfentes Nostros Literas super his inviolabiliter observari faciat, nec permittat, Camera ipsam, vel pro ea agentes desuper modo aliquo molestari, perturbari, aut inquietari, Contradictores quoslibet, & rebelles per censuras, & pœnas Ecclesiasticas, & appellatione postposita commenscendo, nec non legitimis super his habendis servatis processibus censuras, & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis. Non obstantibus prædictis Pii, & Pauli Prædecessorum, aliisque Apostolicis, ac in Provincialibus & Synodalibus Conciliis editis generalibus, vel speciabus Constitutionibus, & Ordinationibus, ac quibusvis facultatibus testandi, aliisque privilegiis, indultis, & literis Apostolicis quibusvis concessis, approbatis, & innovatis, etiam si de illis, eorumque totis tenoribus specialis, & expressa mentio facienda esset, illorum tenores pro sufficienter expressis habentes, illis in reliquis in suo robore permanentibus, cæterisque contrariis quibuscumque; etiam si aliquibus communiter, vel divisim ab Apostolica sit Sede indultum, quod interdicti, suspendi, vel excommunicari non possint, per Literas Apostolicas non facientes plenam, & expressam de indulto hujusmodi mentionem; Et quia difficile foret præfentes Nostras Literas ad singula quæque loca deferri, volumus, & declaramus, quod earum transumptis etiam impressis manu Notarii publici subscriptis, & alicujus Prælati sigillo munitis eadem prorsus fides in judicio, & extra adhibeatur, quæ præsentibus adhiberetur, si forent exhibitæ vel ostensæ. Nulli ergo omnino hominum liceat hanc paginam Nostri decreti, approbationis, confirmationis, innovationis, declarationis, statuti, ordinationis, concessionis, derogationis, & voluntatis infringere, vel ei ausu temerario contraire; Si quis autem hoc attentare præsumpserit,

pferit, indignationem Omnipotentis Dei, ac BB. Petri, & Pauli Apostolorum ejus se noverit incursum. Datum Romæ apud Sanctam Mariam Majorem Anno Incarnationis Dominicæ millesimo septingentesimo quadragésimo quinto Calendas Martii, Pontificatus Nostri Anno Primo.

D. Card. Passioneus.

X. Sub-Datarius.

VISA DE CURIA

N. Antonellus.

J. B. Eugenius.

Loco ✕ Plumbi.

Registrata in Secretaria Brevium.

Anno à Nativitate Domini Nostri JESU CHRISTI millesimo septingentesimo quadragésimo, Indictione quarta, die verò octava Martii, Pontificatus Sanctissimi in CHRISTO PATRIS, & Domini Nostri Domini BENEDICTI Divina Providentia Papæ XIV. anno primo, supradictæ Constitutiones affixæ, & publicatæ fuerunt ad valvas Basilicæ Principis Apostolorum, Cancellariæ Apostolicæ, Curia generalis in Monte Cisatorio, in Aëie Campi Floræ, ac in aliis Locis solitis, & consuetis Urbis per me Josephum Maffimianum Apost. Curf.

Antonius Pelliccia Mag. Curf.

Salus Nostrae Almae Patriae
 Legatione de peritrago quinto Calendas Martias
 Ann. 1718. A. 1718. Anno Incarnationis Joannis Baptistae
 Apollonius, qui in hoc est incursus de Patre in Roma et
 (Certe, indignationem Omnipotentis Dei, ac B. Petri, et Pauli

D.C. Card, Patrons:

24p-0-02.X

W. A. Phillips

J. B. Engle.

[The page contains extremely faint, illegible text, likely bleed-through from the reverse side.]